

Apel vlastima BiH da uklone prepreke na putu ka Evropskoj uniji



<?xml:namespace prefix = o ns = "urn:schemas-microsoft-com:office:office" />

Vlasti BiH, na svim nivoima, moraju ubrzati reforme u procesu integracije u EU i uspostaviti istinski dijalog sa građanskim društvom, zatražio je danas Odbor civilnog društva, koji predstavlja 31 nevladinu organizaciju i mreže u Bosni i Hercegovini.

“Opredijeljeni smo i želimo da se Bosna i Hercegovina približi Evropskoj uniji i spremni smo preuzeti svoju ulogu u ovom procesu kako bi osigurali brži napredak u pitanjima koja se tiču građanskog društva”, izjavila je Aida Daguda ispred Odbora civilnog društva nakon susreta predstavnika 25 nevladinih organizacija sa specijalnim predstavnikom EU Miroslavom Lajčákom, šefom delegacije Evropske komisije u BiH Dimitrisom Kourkoulasom, i predstavnicima bosanskohercegovačkih vlasti.

Upućen je apel vlastima BiH da što prije stvore uvjete za korištenje fondova Evropske unije. Naglašena je ugovorna obaveza BiH da oslobodi ta sredstva od plaćanja PDV-a. Istovremeno, treba krenuti sa pripremama za uspostavu decentraliziranog sistema upravljanja evropskim fondovima.

Na današnjem sastanku je uspostavljen redovan dijalog između

nevladinih organizacija i predstavnika Evropske unije u BiH, u cilju utvrđivanja zajedničkih prioriteta i suradnje na projektima vezanim za Evropsku uniju. Akteri građanskog društva su se obavezali da će razmotriti ulogu nevladinih organizacija u aktivnom nadgledanju provedbe Sporazuma o stabilizaciji i pridruživanju te prioriteta Evropskog partnerstva.

Miroslav Lajčák je dao punu podršku aktivnostima građanskog društva i ohrabrio ih da ostanu angažirani i nastave zahtijevati brži napredak u realizaciji programa na putu ka EU. "Nevladine organizacije imaju ključnu ulogu u nastojanjima vlasti da ispune svoje obaveze. One rade na terenu i najbolje znaju šta je potrebno za brzu i efikasnu provedbu reformi za EU."

Govoreći o posljednjem izvještaju Evropske komisije o ostvarenom napretku, Dimitris Kourkoulas je pozdravio komentare zaključaka koje je dao Odbor civilnog društva na te njihovu spremnost da ponude informacije i materijale za buduće izvještaje. "Evropska komisija izuzetno cijeni doprinos civilnog društva u pripremi Izvještaja o napretku i radujemo se intenzivnijoj suradnji u ovim pitanjima."